



**Juris Canonici Theoria Et Praxis, Ad Forum Tam  
Sacramentale quàm contentiosum, tum Ecclesiasticum,  
tum Seculare**

**Cabassut, Jean**

**Lugduni, 1698**

XIX. De Matrimonio per procuratores contracto.

---

[urn:nbn:de:hbz:466:1-62355](#)

obligatione ad promissam continentiam servandam. Est enim axioma Juris Canonici, possa usum ab ipso dominio separari, cap. *Exitit qui seminat,* §. *Nec quidquam,* vers. *Nec per hoc,* de verbis signific. in 6. & extravag. *Ad Conditorem,* in princip. codem tit. Quin etiam in Jure Civili plerumque contingit, ut dominus ac proprietarius rei careat ejusdem usu, ad quem solum jus haber usuarius aut usufructarius. Tales ergo conjugati retinent dominium in mutua corpora, sed tamen ligatum & impeditum quoad usum, quo sit ut habita inter eos copula sacrilegii criminis macularetur ob voti transgressionem; non tamen crimen stupri aut fornicationis, quia non esset accessus ad non suam. Ad Canones paulo antea in oppositum citatos facilis est responsio, Authores scilicet horum Canonum ut distinguant inter sexuum communionem destinatis, strictius ibi usurpat nomen matrimonii ad aut nuptiarum, & latius extendunt sponsaliorum notionem ac significatum; cum tamen sponsalia proprie sumpta sint promissio de futuris nuptiis, & conventione sanctæ Mariæ cum sancto Joseph fuerit de presenti, & non de futuro. Opposita vero aliorum Canonum & Patrum testimonia, quibus affirmant verum fuisse inter ambos matrimonium, loquuntur juxta propriam ejus vocis significationem.



## CAPUT XIX.

*De Matrimonio per procuratores contracto.*

I. **M**INIME dubitatur valuisse matrimonium per procuratorem contractum ante Tridentinum Decretum scilicet 24. cap. 1. de reform. matrim. quo haec requiritur conditio tanquam essentialis, ut contrahentes suum consensum coram Parocho & testibus exprimant. In veteri Testamento matrimonium Isaaci cum Rebecca contractum fuit per Eliezer internuntium, cap. *Honoratur*, 32. quæst. 2. & cap. *Ex parte* 14. de convers. conjug. & cap. *Venient*, qui cler. vel vovent, & cap. ultimo de procur. in 6. & l. *Sufficit*, & l. ult. D. de sponsal. & l. *Mulierem*, D. de ritu nupt. omnes enim contractus qui consenserunt, possunt inter absentes ac per procuratores contrahi, l. 1. §. *Eft auem*, D. de contrah. emption. Sed hoc jus nullatenus abrogatum est per Tridentinum Decretum, ut communiter sentiunt Doctores, & præsens quoque Ecclesiæ praxis docet: neque Tridentinum exigit ut contrahentes per seipso suum consensum coram Parocho exprimant, sed simpliciter ac generatim, ut exprimant coram Parocho & testibus; id vero præstant

præstant absentes, qui per constitutos à se procuratores exprimunt: & qui per alium facit, per le facere videtur. Et potest quis per alium quod potest facere per seipsum, cap. *Potest quis*, de reg. jur. in 6. & qui facit per alium perinde est ac si faciat per seipsum, cap. *Qui facit*, cod.

II. Praefatum illud cap. ultimum de procur. in 6. tria decernit, noratu dignissima circa procuratorem ad nuptias constitutum. Primo esse necellarium ut procurator habeat mandatum circa hoc speciale; non enim sufficeret generale: nemo enim censetur in re tanti momenti, à quo status totius vita futura dependeat, velle cum aliqua contrahere, nisi prius illam noverit. & in eam consentiat, l. *Generali*, D. de rito nupt. Secundò exigit ut procurator per se rem gerat, nec possit alium sibi subrogare, nisi hoc quoque specialiter habeat in mandato. Tertiò requirit ut constitutus mandatum suum non revocaverit antequam res mandata geratur, alioqui nullum erit illud à procuratore actum matrimonium, tametsi tam ipse quām ea cum qua contraxit, revocationem hujusmodi penitus ignoraverit, cùm ibi deficiat alterius Partis consensus, sine quo nuptiæ conciliari nullo modo possunt. Id verò speciale est in matrimonio; cæteri enim contractus per constitutum procuratorem validè sunt, & obligationem inducunt, si revocatio mandati non ante innotuerit procuratori & Parti, l. *Si mandatum*, D. mandati: & l. I. §. 2. D. quod iussu: & cap. *Ex parte* 12. de rescript. & adhuc clarius in Clement. unica de renunciatione.

III. Tribus istis conditionibus quarta demum adjungenda est, ne constitutus ad matrimonium procurator mandatis fines excedat sui: si enim excederit, irritum est quod agit; non enim censetur mandans consentire, nisi servetur præscripta ab eodem conditio, l. *Diligenter*, D. mandati. Ut si mandatum fuerit de contrahendo cum Cecilia matrimonio certa dote constituta, invalidè contrahet mandatarius si nulla, vel minor dos constituantur. Quod idem censendum de cæteris conditionibus appositis. Coninch disput. 24. dub. 9. num. 69.

IV. Quæritur an valeat initum per procuratorem matrimonium, si post mandatum ipse mandans inciderit in amentiam, quæ perduret quo tempore procurator contrahit? Respondendum est, valere; non enim requiritur ut qui mandavit ratione utatur, dum procurator mandatum exequitur; nam alioqui si tunc temporis dormiret, aut ebrius esset, dicendum quoque esset irritum esse id omne quod à procuratore geritur, quatenus qui mandaverat jam usu rationis caret: sufficit enim quod rationis compos mandaverit, & procurator ipse dum exequitur, ratione utatur. Si insit, quod is tamen qui per se immediatè contrahit tempore ebrietatis suæ vel amentiæ, nihil validum efficiat, etiamsi antea rationis compos hunc actum intendisset; id quidem verum est, magna tamen in utroque casu intervenit differentia, quia procurator validè agit, quia ratione uitur ad consensum & contractum indispensabiliter & ipso facto necessariæ. At verò dum quis

quis ebrius vel amens est, incapax est & contractus & consensus omnis per seipsum. Ita Henriquez lib. 11. de matrim. cap. 4. num. 4. Sanchez lib. 2. disp. 11. num. 12. Nullatenus verò est admittendus procurator, nisi mandatum exhibeat. Nullatenus quoque fides mandanti adhibenda est in externo foro, si mandati sui anteriorem contractui revocationem prætextat, nisi juridicè & sufficienter probet se revocasse.



## C A P U T X X.

## De proclamationibus Matrimonio p̄mittendis.

I. **S**TATUTUM est in primis ab Universali Concilio Lateranensi sub Innocentio III. can. 51. qui citatur in cap. *Cum inhibitio*, de clandest. despontat. & deinde à Tridentino sell. 24. de reformat. matrim. cap. 1. ut antequam matrimonium contrahatur, ter à proprio contrahentium Parocho tribus continuis diebus festivis in Ecclesia inter Missarum solennia publicè denuncietur inter quos matrimonium sit contrahendum; quibus denunciationibus factis, si nullum legitimum opponatur impedimentum, ad celebrationem matrimonii procedi possit. Sed si probabilis apparuerit conjectura impedimenti, contractus interdicatur expresse, donec quid fieri debeat super eo manifestis constiterit documentis, d. cap. *Cum inhibitio*.

II. Si contrahentes sint diversarum Parochiarum, facienda sunt denunciations in utriusque Parochia, non enim sufficienter alioqui possent impedimenta dignosci. Idemque sentiendum de diversis Dioecesibus. Alteruter enim contrahentium sive Parochus, sive Episcopus, potest eos matrimonio jungere, & uterque Episcopus potest intra fines Dioecesis suæ circa has proclamations dispensare. Bonacina de matrim. quæst. 2. punct. 6. num. 7. Barbosa de potest. Episc. part. 2. alleg. 32. num. 10. & 35. Quod verò dicit Tridentinum de tribus continuis diebus festis, non est aliter intelligendum, nisi de festis non longo intervallo distantibus, non verò de festis sibi immediate succendentibus. Suader enim id ratio dignoscendi si qua sint impedimenta; ad quem finem conductit ut tempus populo concedatur, in mentem si qua sunt obstacula revocandi, & ea Parocho denunciandi. Quocirca haud ita festinanter urgenda res est, nisi gravis succurrat causa; sed interponendi sunt certi dies ab una ad alteram proclamationem: eaque est recepta ubique ferè praxis interstitii ab anno ad aliud festum unius saltem aut duorum dierum. Sanchez de matrim. lib. 3. disput. 6. num. 8. Coninch. disp. 27. dub. 5. num. 47.

Z z 3 III. Ad.